

LA SIDRA nel Sagardo Berriaren Eguna



Tres recibir la invitación d'Andoni Gartzia, Presidente del Consorcio Sagardun y Alcalde d'Astigarraga, LA SIDRA participó na presentación de la collecha 2.011 de sidre vasco, que coincide col entamu de la temporada del Txotx.

El Muséu de la Sidra Vasco d'Astigarraga, Sagardoe-txea, foi la sede escoyía pa la cèlebración de la presentación de la collecha 2.011 y l'apertura de la temporada del Txotx.

L'Alcalde d'Astigarraga encabezó la rueda de prensa na que se presentaron les cualidaes de la mazana y de la so sidre, qu'esti añu definen como "afrutao y refrescante", cualidaes que'l sol y la lluvia "nes xustes midies"-y apurrieron.

Una vegada finada la presentación, el convidáu d'honor Julián Lantzi, plantó un nueu árbol na pumarada de Sagardoe-txea, un actu simbólicu "comu amuesa del dinamismu y la renovación de la naturaleza".

A continuación tuvo llugar l'apertura del txotx, que se cèlebró en Petritegi Sagardotegia, na que s'espichó un tonel de sidre al glayú de "Gure sagardo Berria", entamando asina la temporada sidrera.

Esta ye una cèlebración que vien faciéndose dende

va decinueve años, polo que lleva camín de poder considerase una tradición sidrera.

Esti añu la producción de los pumares y de los llagares vascos foi perasemeyada a la del añu pasáu, ensin que paeza que la vecería-yos afeute muncho, repitiendo la cifra d'años anteriores.

Hai que remembar que tamos falando de producciones sidreres mui por debaxo de les que tamos avezaos, ya que cuando falamos de "collecha de sidre" vasco falamos de diez millones de lilitros, demientres que la producción anual n'Asturies ronda los cien millones, ensin contar la descomanada producción casera de sidre, que nun ta contabilizada denyures.

Dende LA SIDRA agradecemos la oportunidá que se nos brinda d'averanos a otres cultures sidreres y de representar n'elles a la asturiana que, creemos, tien de llegar a tar presente en cualquier eventu venceyáu a la sidre que se cèlebre.